

EGARRI NAZ.



Lurra dago ikaraz, gach egiñen bildurraz,
Kurutzean josirik gaur Erru-ezduna,
Erri ligoetua odolez aseturik,
Izarrerria iya osoro illuna.

Fariseo ta Eskribak, zuena da garaitza,
Egur lotsagarrian Jesus dago illten,
Aitalenen ta Igarlak, kantau kantau gloriak,
Anchiñako eskintzak bete dira emen.

Kalbario-egian errubaga illtera
Doianari uste dot jakola entzuten,
Illten naz zuekgaitik, pekatua azpiturik,
Zuekgaitik illten naz, zuek maitetuten.

Sortitza makurtzen da Jaubearen aurrean,
Negarrez gaurko gachen damu ta atsakabaz,
Begiak jasoten dauz Jesusek miñen miñaz,
Borreruak entzuten deutse «Egarri naz.»

¿Egarritz aurkietan zara ichasogiña?
¿Egarritz aurkietan iturrigillea?
¿Egarritz zure atsak, odehyak urraturik,
Nai noz sortu oi badau euri ugaria?

¡O, Jaungoiko aundia! ezin nik aditu dot
Une artako zure miñen mintasuna,
Baña fedeak diñost egarriz egoala
Guganako daukazun ondonaitasuna.

Egarritz egoala esku oñak burdiñaz,
Egarritz Lauburuan amarrau artean,
Egarritz iru untzez, egarriz josi arte,
Egarritz jarte arren gu libertadean.

Egarriz odolezko iturriak isurten,
 Egarriz gu eurakaz garbitu gintezan,
 Egarriz sugarrezko amodioz erretan,
 Egarriz sartu nairik danok zeruetan.

Nekearen egarriz arintzeko gizona,
 Gerrearen egarriz baketzeko bera,
 Illteko egarriaz betiko biztu dedin,
 Ill ez dedin egarriz pekatuz aurrera.

Egarriz zariana gloriako argia,
 Mundu illunpetsua dozuna argitzen,
 Zeure eskuz zuzentzen dozuz osarteak¹ ta
 ¿Egarriz zelan baña, zara aurkituten?

Loren lurrunetan nik dakust zure arnasa,
 Egintzak zure aulki ikusten badodaz,
 Chirringolan² izarrak oinpeetan doatzuz ta
 Gizona ¿zelan ez da samurtuten zugaz?

¿Beretzat etzenduzan egin zeru zabalak?
 ¿Beragaitik etzara lurrera jatsiten?
 ¿Bere amodioak alan jarri etzaitu?
 ¿Bere amorez etzara gaur egarrituten?

Bere amodioak, bestek etzaitu Jauna,
 Beste gauzak etzaitu josi Kurutziaz,
 Bera zeruratzeko daukazun egarriak
 Jauna, esan eragin deutsu «Egarri naz.»

FELIPE ARRESE TA BEITIA.

Ochandion 1887-ko Bariku santu egunean.



(1) Osarteak=los espacios.—(2) Chirringolan=rodando.